

Inflammation

النهارده أنا هخلص chapter الـ inflammation؛ أهم تالت chapter في المنهج، فيتوجب عليكو -وأنا متعمد لأن أنا بحسب المعلومات على الأوقات- الخميس والجمعة دي تذاكروا chapter الـ inflammation كله، وهنزل case على الـ site هناقشها النهارده ومارضتش أديهاكو مطبوعة عشان لازم تذاكر الأول وبعدين تحلوها.

Reaction ؟؟Inflammation is an action or a reaction

Local ولا Systemic ؟؟الأتنين، في الحته اللي اتعورت local وباقي جسمي systemic.

الـ acute inflammation بيتقسم لإيه وإيه؟؟ Suppurative و Nonsuppurative.

التقسيمه هدفها إيه؟؟Therapeutic:

1. كل الـ suppurative ← هنديله antibiotic:

a. لو localized suppurative ← surgery الأول وبعدين antibiotic.

b. لو diffuse suppurative ← antibiotic؛ except الـ appendicitis.

2. لكن لو Nonsuppurative ← There's no need for antibiotic.

في المحاضرة اللي فاتت خلصت الـ localized suppurative والأمثلة عليه كانت "abs"؛ carbuncle، boil (furuncle)، abscess.

النهارده هبدأ معاكو بالـ diffuse، ماعندناش من الـ diffuse أمثلة غير الـ cellulitis لأن الـ appendicitis والـ peritonitis هناخدكم في الـ systemic.

Cellulitis

مين يرقع الـ definition بتاع الـ cellulitis اللي هو ماخدهوش؟ هو دايمًا الـ definition بنحفظه ولا نألفه؟؟ بنألفه إزاي؟ إيه القانون؟ الـ classification.

الـ cellulitis ده inflammation ولا tumor ؟Inflammation.

Acute ولا Chronic ؟Acute.

Suppurative ولا Nonsuppurative ؟Suppurative.

Localized ولا Diffuse ؟Diffuse.

يبقى الـ **Definition**: "Acute diffuse suppurative inflammation."

VISIT...

LANZAROTE
Caliente.COM

:Etiology

القاعدة كل الـ Localized معمول بالـ Staph ولا بالـ Staph؟؟ لأنها بتطلع coagulase.

لكن كل الـ diffuse معمولين بالـ..؟؟ Strept لأنها بتطلع fibrinolysin و hyaluronidase.

يبقى الـ cellulitis معمولة بمين؟ **Strept**.

بس عشان الـ diffuse عايزة واحد ماعندوش مناعة؛ عشان كده أهم predisposing factor -إيه أشهر سبب لنقص المناعة؟- **Diabetes**. ودي ثاني مرة ناخذ suppurative inflammation مشهور في الـ diabetics، إيه أول مرة؟ **Carbuncle**.

قلنا الـ definition والـ etiology، فاضل Pathology وده بييشمل (site - بعيني - تحت الـ microscope) وبعد كده complications.

لأن بعد كده هعمل جدول، لو لقيتوا جدول في الكتاب اعرفوا إن ده سؤال written بينزل في الامتحان comparison، الـ general كله مافيهوش غير 7 جداول لازم يجيلكو واحد منهم بـ 5-7 درجات.

أول جدول بين الـ abscess اللي خدناه المرة اللي فاتت والـ cellulitis اللي مش هنشرحها؛ الـ abscess ممثل للـ localized suppurative والـ cellulitis ممثلة للـ diffuse suppurative، نقط المقارنة هي نفس النقط بتاعتنا. والجدول ده Category A.

:1 Definition

- مين فيهم **localized suppurative**؟ **Abscess**.
- لكن مين **diffuse suppurative**؟ **Cellulitis**.

:2 Etiology

- مين فيهم معمول بالـ **Staph** لأنها يتطلع **coagulase** اللي بيحول الـ fibrinogen لـ fibrin فيعمل **abscess**؟ **abscess**.
- لكن مين معمول بالـ **Strept** لأنها بتطلع **hyaluronidase** & **fibrinolysin** فتعمل spread؟ **Cellulitis**.

:3 Pathology (Site)

- مين الـ commonest site له هو الـ **subcutaneous tissue**؟ **Abscess**، ليه لأن **Staphylococcus Aureus** is found on the skin normally.
- لكن مين الـ commonest site له **loose subcutaneous tissue** زي الـ **orbit** والـ **pelvis**؟ **Cellulitis**، لأنها عاوزة تنتشر والانتشار أسهل في الـ loose tissue.

4. Pus:

- النقطة المهمة: لو جبتلك كباية صديد من abscess وكباية صديد من cellulitis.
- مين فيهم الصديد بتاعه بيبقى **thick & creamy**؟ **Abscess**، ليه؟ لأن بيبقى فيه fibrin ماتحولش لمياه؛ فيه fibrin عبارة عن fibrin degradation products وفيه nucleic acids.
- لكن مين الصديد بتاعه **serous; thin**؛ مياه؟ **Cellulitis**، ليه؟ لأن فيه fibrinolysin اللي بيكسر الـ fibrin degradation products لمياه.
- مين الصديد بتاعه هيبقى مدمم؛ فيه **RBCs كثير**؟ **Cellulitis**، ليه؟ لأنها معمولة بالـ Streptococcus Hemolyticus اللي بتطلع fibrinolysin & hyaluronidase يكسر الـ wall of blood vessel.
- لكن مين الصديد بتاعه **مافيهوش RBCs كثير**؟ **Abscess**؛ لأنه معمول بالـ Staph اللي مابتعرفش تكسر الـ wall of blood vessel.
- مين بيبقى فيه necrotic tissue sloughs كثير؟ **Cellulitis**؛ لأنها بتنتشر فتموت خلايا أكثر.

آخر سؤال:

آدي كباية صديد من abscess وكباية صديد من cellulitis:

- مين فيهم **clot on standing**؟ **ولا واحد** لأن الصديد does not clot on standing لأن الـ fibrinogen اللي فيه اتكسر، فاللي يقول abscess بيبقى حمار واللي يقول cellulitis بيبقى جاموسة.

5. Complications (Spreading):

- مين فيهم الـ **spread is rapid**؟ الاسم العربي للـ **cellulitis** الأكلة لأن زمان قبل اكتشاف الـ antibiotic كانت بتموت في 48 ساعة لأن مافيش حاجة تعملها localization.
- لكن مين فيهم الـ spread بيبقى **slow**؟ **Abscess** عشان فيه localization.

الـ cellulitis الاسم ده تسمية خاطئة لأن معناه بالعربي الالتهاب الخلوي، هل دي تسمية صحيحة؟؟ لأن شكله تحت الـ microscope كل خلية حواليتها صديد فقال ده الالتهاب الخلوي، تنفع؟؟
لأ ماينفعش، لأن تعريف الالتهاب هو reaction of living vascularized TISSUE، ماينفعش كلمة cellulitis؛ طب وإيه التصحيح؟ مالهاش تصحيح، فيه كلمات كثير في الطب خاطئة لأن قصة اكتشافها فكروها بشكل خاطئ وقالوا مش عاوزين نغير. الـ cellulitis ده misnomer.

كده خلصت الـ diffuse suppurative وخلص الـ suppurative خالص.

كل الـ suppurative كان Category A ماعدا الـ boil (furuncle) والـ carbuncle دول
Category B. لكن الـ nonsuppurative كله Category B ماعدا الـ pseudomembranous ده
Category A.

هنبدأ على بركة الله ال nonsuppurative ..

تعرف بـ يتميز بإيه وال example عليه إيه.

فاكرين الواد اللي وقعت على رجله مياه سخنة فرجله طلعت بقايل؟ ده كان بيطلع صديد؟ يبقى nonsuppurative. أmaal كان بيطلع إيه؟ مياه.

أول نوع من ال nonsuppurative اسمه Serous Inflammation.

ال inflammatory fluid exudate بيبقى فيه مياه و fibrin.

Serous inflammation is characterized by excess serous fluid
fibrin اللي فيه بيبقى قليل، عشان كده سموه serous؛ مائي ← excess مياه بالنسبة لل fibrin.

examples:

1. أشهر example عليه ال **Skin Blisters**؛ اللي هي البقايل in case of skin burn.
2. ال **epidermal vesicles** في حالات **Herpes Simplex**، تعرفوا يعني إيه herpes simplex؟ الحزام البسيط وده **viral infection**، بيبجي في بداية الشتاء.
كلكو جالكو، تصحى الصبح من النوم تلاقي حته عند ال angle of mouth حمراء وعليها فسافيس مليانة مياه، وأنا قتلكو المصريين من أكثر شعوب العالم قذارة حاولوا يفسروها فبتنوع الصعيد سموها حرارة؛ لأن هو عارف أما بيتلسع بيلاقي بقليلة مليانة مياه، فالصعيدي تخيل إن فيه حرارة داخلية في جوفه وبتطلع الحرارة فبتلسع بؤه.
فبتنوع الإسكندرية قالوا مين الهبل دول؟؟ قالوا لأ خالص مالهاش دعوة بأي حرارة داخلية، قالوا دي عبارة عن واحد نام عطشان فربنا طلعه الفسافيس المليانة مياه عشان وهو نايم يفعص ويشرب، فبتنوع الإسكندرية وجه بحري سموها عطشة.
هل هي عطشة؟ هل هي حرارة؟ هي serous inflammation بـ viral infection.
دي حاجة حلوة إنهم حاولوا يفسروا، فيه شعوب تانية يقولوا إيه ده يقولك إنت مالك! طب اسمها إيه؟ هي كده! للأسف المصريين دلوقتي بقوا كده، كلكو طلعتكو بس إنتو مش عارفين اسمها..

Inflammation Of Serous Membranes 3.

تعرفوا ال serous membranes؛ اللي هي ال serous sacs؛ اللي هي ال coelomic cavities؛ اللي هي ال body cavities؛ اللي هي pleura, pericardium, peritoneum, meninges, synovium.
ليه سموها serous؟ لأنها قادرة على إفراز مياه و fibrin.
طب حصلها التهاب؛ تطلع إيه؟

تاني نوع من الـ nonsuppurative هنسليه **Fibrinous Inflammation**.

مين يقول لي characterized بابه؟ عكس الـ serous: excess fibrin لكن little fluid.

الـ examples:

1. أشهر example عليه مرض اسمه **Lobar Pneumonia**؛ الالتهاب الرئوي الفصي.
آدي دي الرئة اليمين، اللي هي كام lobe؟ 3. والرئة الشمال؟ 2.
Normally لو مسكت رئة طبيعية تدوس عليها تفش ولا ماتفشش؟؟ تفش؛ عندنا الفلاحين بييسموا الرئة فشة، ليه تفش؟ لأن الرئة مليانة هواء والهواء is gas والـ gas is compressible.
لو حصل lobar pneumonia الـ lobe هيتملي fibrin، فلو دست على الرئة تفش ولا ماتفشش؟؟ ماتفشش، ماتبقاش رئة؛ تبقى كبدة؛ تبقى **(consolidated (hepatized**، يعني إيه hepatized؟ تكبدت، يعني إيه؟ يعني تحت الـ microscope هتلاقيها اتملت fibrin فمابقتش فشة.
فيه بهائم يقولوك hepatization يعني الرئة بتتحول liver!! تسأله يعني تحت الـ microscope تشوف إيه؟ يقولك classic hepatic lobule! قتلته ياه دي حاجة جميلة جدا ده إحنا ممكن نستخدم الموضوع ده في الطب. قال لي إزاي؟؟ إنت عارف إن أكثر أمراض في المصريين أمراض الكبد فلو حد عنده التهاب في الكبد والكبد باظ نعمله التهاب رئوي فالـ lobe يتحول لـ liver، قتلته وبعدين؟ قالي ناخده ونروح زار عينهوله. قتلته إيه الحلاوة دي!! وقعدنا بقى نخش في تفاصيل الزراعة وطبعا ده خد zero. أما تلاقي في امتحان الشفوي الممتحن بدأ يعمل معاك أبحاث علمية اعرف إن هو بيسرح بيبك.
فهل معنى hepatization إن الرئة اتحولت لكبدة؟؟ No ملمسها، والعلماء استخدموا نفس الألفاظ اللي بيستخدمها الفلاحين عندنا، فقالك hepatization تكبد الرئة لأن الـ fibrin مابيفشش.

2. المثال الثاني حاجة اسمها **Adult Respiratory Distress Syndrome (ARDS)**

ده simply الـ alveoli الـ Membrane بدل ما هو خلايا هيبقى fibrin.
إنتو خدتوا حاجة RDS قبل كده: Neonatal Respiratory Distress Syndrome
بردو الـ alveoli تتملي fibrin.
إيه الفرق بين NRDS و ARDS؟؟ البهائم يقولوك ده في الـ neonate وده في الكبار! السبب إيه اللي بوظ الـ alveolar cells وخلاها تتحول لـ fibrin؟ لو نقص surfactant ده اسمه NRDS، لو نقص أي حاجة تانية غير الـ surfactant يبقى اسمه ARDS بما فيها لو الحاجة التانية دي جت والعيال neonate.
أديكو example: مصر بلد زراعية فيها معتقدات خاطئة كتيرة جدا، زمان العيل أما بيتولد مش بيقطعوا الـ umbilical cord؟ ومفيش مادة معقمة، إيه المادة الـ disinfectant اللي كانوا بيستخدموها زمان عشان يعقموا الجرح؟ الجلة، البهائم كانوا يجيبوا الجلة ويحطوها

على الـ umbilical cord فالواد يخش في septicemia ويموت من neonatal ولا
neonate؟ هو Adult respiratory distress syndrome؟؟ Adult، طب إزاي وهو
الفرق بين الـ NRDS والـ ARDS السن؟! لا السبب اللي بوظ الـ alveolar cells.
وهنشرحها in details بعدين.

3. Inflammation Of Serous Membranes

حد لاحظ حاجة؟ كان إيه آخر example of serous inflammation
Inflammation of serous membranes، وإيه آخر example of fibrinous
inflammation of serous membranes؟
هي الـ serous membrane بتطلع مياه ولا fibrin؟؟ الثلاثة وبينك الأربعة!
طب إيه اللي يتحكم إن inflammation of serous membrane يبقى serous أو
fibrinous أو serofibrinous أو suppurative؟؟ هو الـ inflammation ده
action ولا reaction؟ Reaction، يبقى كل حاجة بتعتمد على إيه؟ الـ cause.
لو الـ cause is mild هيبقى serous، أقوى سنة هيبقى fibrinous... فاهمين حاجة؟
هي دي الفكرة.

كده خدنا كام نوع من الـ nonsuppurative؟؟ 2.

لو المياه أكثر من الـ fibrin ← serous.

لو الـ fibrin أكثر ← fibrinous.

طب لو الاتنين أد بعض؟؟

النوع الثالث اسمه Serofibrinous Inflammation.

مين يرقع الـ definition بتاع الـ serofibrinous وهو ماخد هوش؟

Inflammation of serous membranes ده ماينفعش بييجي بره الـ serous membranes، لأن
الـ tissue الوحيد في جسمك اللي يطلع مياه و fibrin هو الـ serous membranes.

"Inflammation of serous membranes characterized by both serous and fibrinous exudate."

لو المياه أكثر زمان كانوا بيسموه wet type، لو الـ fibrin أكثر زمان كانوا بيسموه dry type.

الـ example عليه Serofibrinous Pleurisy, Peritonitis, Pericarditis...

لكن المؤلف خدنا فكرة وقالك تعالى نتكلم على الـ pathology:

1. Site: مايجيش إلا في الـ serous membranes.

2. Grossly:

- هو أي organ يحصل فيه acute inflammation بيبقى أحمر ولا أزرق؟ أحمر. سخن ولا بارد؟ سخن. فأى acutely inflamed organ إنت بعنك عاوز تألف شكله بنقول 3 كلمات: هنا grossly تلاقي ال serous membrane ← hyperemic, swollen, edematous.
- لو لقيت إن المياه أكثر من ال fibrin يبقى ده أنهى نوع من ال serofibrinous؟ ال wet أو ال serous. لو العكس لو لقيت ال pleura مثلا بقت opaque وعاملة شبكة من ال fibrin يبقى أنهى نوع ده؟ ال dry أو ال fibrinous.

3. تحت ال microscope:

- أي acute inflammation ال irritant هيخش فال serosal cells هت degenerate أو تموت.
- إنت فوق قلت grossly إنك بتشوفه hyperemic بعنك، خده تحت ال microscope؛ ليه بتشوفه فيه دم كتير؟ Vasodilatation.
- ليه swollen، هتشوف إيه تحت ال microscope؟ ال acute inflammatory cells؛ neutrophils & macrophages.
- ليه edematous؟ بتشوف inflammatory edema.

مافيش حاجة اسمها حفظ في ال pathology..

جه مرة سؤال وتحية له اللي جابه بس مش هيجي ثاني بـ 4 درجات؛ قالهم: Enumerate acute inflammations that can affect serous membranes.

كل واحد بدرجة:

1. Serous
2. Fibrinous
3. Serofibrinous
4. Suppurative

ال serous membranes لو حصلها infection بـ pyogenic bacteria هيبقى نوع الالتهاب إيه؟ Suppurative.

النوع الرابع ال Catarrhal Inflammation.

شايفين البنوتة الأمورة دي؟ عن نزلة برد؛ common cold؛ وعمالة تبربر أهي زي ما إنتو شايفين؛ بتنزل برابير؛ mucus، بس mucus باللاتيني اسمه catarrha.

مين يقول ال definition وهو لسه ماخدهوش؟

Inflammation of...، الـ catarrhal مايجيش إلا في الـ mucous membranes لأنها الوحيدة اللي بتطلع mucus.

عشان كده الـ Catarrhal inflammation is mild inflammation of mucous membranes characterized by fluid exudate mixed with mucus.

الـ examples:

1. أشهر example عليه الـ Common Cold اللي ببسموه Catarrhal Rhinitis؛ التهاب الأنف المخاطي.

2. أو Catarrhal Appendicitis، مش الـ appendix فيها mucous membrane؟

3. Catarrhal Laryngitis, Catarrhal Colitis, Catarrhal Gastritis,...

هو فيه فرق بين common cold و influenza؟؟ والله فيه دكاترة 70 سنة مايعرفوش الفرق بينهم.

◀ الـ common cold is upper viral respiratory tract infection، يعني rhinitis و sinusitis ده اسمهم common cold.

◀ أمال الـ influenza؟ Upper and lower viral respiratory tract infection، يعني rhinitis و sinusitis و pneumonia ده اسمه influenza.

عشان كده مين فيهم أخطر؟ Influenza.

طبيب لو إنتو فهمتوا هسألهاكو على شكل case.

◀ All of a sudden أنا مناخيري بدأت تنزل برد ومصدع، جالي إيه؟ Common cold.

◀ طبيب مناخيري بقت تنزل مخاط ومصدع وبكح؟ Influenza.

الـ catarrhal inflammation تعالوا ناخذ القاعدة:

1. Grossly:

- هتلاقوا الـ mucous membrane في الأول ماينزلش مخاط ويبقى dry، ليه؟ لأن في الأول بيبقى فيه مرحلة transient vasoconstriction.
- بعد شوية تلاقي الـ mucous membrane بتاع المناخير والـ sinuses بقت عاملة زي أي acute inflammation ← hyperemic, swollen, edematous بس مغطيها mucus.

2. تحت الـ microscope:

- خدها على حجر ك تحت الـ microscope، هتلاقي الـ mucosal cells are shedded؛ ميتة.
- طب ليه حمراء؛ hyperemic؟ Vasodilatation.

- طب ليه swollen ؟ **Acute inflammatory cells** & neutrophils & macrophages.
- ليه edematous ؟ **Inflammatory edema**.
- طب ليه مخاط؟ هتلاقي الـ cells دي vacuolated بييسموها **mucoïd degeneration**.

فيه كام نوع لحد دلوقتي بييجي في الـ mucous membranes ؟ 2

1. Catarrhal
2. Suppurative

لو ماعالجتش الـ catarrhal (mild) هيشخ في النوع الأقوى suppurative، ودي خبرة كلكو تعرفوها؛ لو أي واحد جاله common cold المفروض بنديله antibiotic، ليه؟ Prophylactic للـ secondary bacterial infection لأن الـ virus بيشغل المناعة فساعتها الـ bacteria تخش تعمل suppurative.

لو واحد جاله common cold وماخدش antibiotic، في الأول تلاقي البرابير بتاعته نازلة شفافة أو بيضاء، لو ماخدش antibiotic البرابير يتحول لونها لأصفر أو أخضر، الأخضر عندهم Pyocyanous، والمعظم أصفر عندهم Staph.

النوع اللي بعده من الـ nonsuppurative وده الوحيد الـ category A اسمه ..

Pseudomembranous Inflammation

قبلها عشان أشد انتباهكم فيه صورة قدامكم مرسومة بالقلم الرصاص شايفينها؟ الصورة دي اترسمت في حدود القرن الـ 14، الصورة دي قصتها فيه راجل بدقن وشنب عرة؛ شايفينه؟ ده الدكتور شايل على حجره عيل والدكتور حاطط صباغة في بؤ العيل

الفرق بين العلم والفن عشان تعلم الإنسان لازم تفهمه من الأول وتطلع بيه step by step فلحد النهارده 4 حصص في الـ inflammation، الفن ممكن يوصلك الرسالة بنظرة، عشان كده أهو صورة واحدة أحسن من ألف كلمة، إنتو ولا فاهمين أي حاجة في الموضوع دلوقتي!!

اللي رسم الصورة دي هو الدكتور؛ الصورة دي اتباعت بملايين الدولارات، الدكتور ده وهو حاطط صباغة في بؤ العيل، والناس اللي قاعدين دول هنعبرهم عامة الشعب مش الدكاترة، عندك إحياء من أول نظرة إن الدكتور ده وهو حاطط صباغة في بؤ العيل سعيد ولا حزين؟؟ للناس الطبيعية؛ المجانيين ماليش دعوة بيهم، معظم الناس الطبيعية قالت حزين، عارفين ليه؟ لأن هو عارف إن بعد ما يحط صباغة في بؤه بـ 4 ساعات الواد ده هيموت..

شفتوا الفن؟ هو وصلك كل التفاصيل، أنا مهتمتي أفسرك لك فيه الواد هيموت؛ حاطط صباعه في بؤه
ليه؛ وهو حزين ليه..

شدت انتباهكم شوية؟ يمكن..

membranous Pseudomembranous inflammation اللي كان بيتسمى خطأ
inflammation، أشرحلكم الأول بالبلدي وبعدين نقول الكلام كلمة كلمة زي ما هو مكتوب.

الـ pseudomembranous inflammation ما يحصلش إلا في الـ **mucous membranes**،
إيه ده؟ خدت دلوقتي كام نوع من الـ inflammation يحصل في الـ **mucous membranes**؟

1. Catarrhal

2. Suppurative

3. Pseudomembranous

ركزوا بقى معايا..

أي mucous membrane عبارة عن (mucus-secreting cells (epithelial cells) ودي
avascular، وتحتها فيه subepithelial tissue فيه blood vessels؛ vascular.

هو مين اللي بيتحكم في الـ inflammation يبقى acute ولا chronic؟؟ الجسم ولا الـ organism؟
الـ organism.

مين بيتحكم في الـ inflammation يبقى suppurative ولا nonsuppurative؟ الـ organism.

مين بيتحكم بيبقى localized ولا diffuse؟ الـ organism.

عشان يحصل pseudomembranous inflammation إنت مش محتاج إلا organism
يعرف يطلع exotoxins؛ بس دي لازم تكونوا عارفين microbiology؛ لأ مش محتاجة أنا هشرحها.

سموم الـ bacteria نوعين:

1. سموم بتطلعها الـ bacteria وهي عايشة وده سلاح الـ bacteria واسمه **exotoxin**؛

مياه نار، على مستواكم إنتو مفيش إلا bacteria 2 بيطلعوا exotoxins:

a. **Bacteria Diphtheria**؛ الحَنَاق.

b. **Bacillary Dysentery**؛ الديزنتاريا العسوية.

2. لكن أي bacteria لو ماتت؛ المواد اللي جواها بالنسبة لنا **endotoxins** وكل الـ

bacteria بتطلع endotoxins.

مين الأقوى؟؟ الـ exo ولا الـ endo؟؟ الـ exo لأن ده سلاح. والـ bacteria اللي تطلع
exotoxin دي motile ولا Immobile؟؟، أنا لو معايا سلاح مش مضطر أمشي،
أضرب أي حاجة وأنا في مكاني.

هنفترض جدلاً إن عيل صغير نام بالليل زي الفل وجاله diphtheria عن طريق الـ inhalation،
bacteria الـ bacteria على الـ upper respiratory tract بالذات الـ larynx؛ هتقف الـ bacteria
على الـ larynx، هتعمل إيه الـ bacteria؟ هتمشي؟؟ لا، سلاحها إيه؟ Exotoxin، هتروح الـ
exotoxin طالع وأنا لسه مشبهلكم في قوته عامل زي إيه؟ مياه النار.

هيعمل إيه على الـ epithelial cells of the mucous membrane؟ هيموتها، كل الخلايا دي
ماتت.

هل الـ bacteria ينفع تـ spread؟؟ ماينفعش لأنها immobile، لكن الـ exotoxin هي diffuse
فهيبدأ يعمل inflammatory response في الـ subepithelium لأن الـ subepithelium is
vascular والـ inflammation مايجيش إلا في الـ living vascularized tissue، فـ يحصل
vasodilatation ويطلع **fluid exudate rich in acute inflammatory cells and fibrin**،
فهذا الكلام كله يلزقك الخلايا الميتة مع بعض ويتكون pseudomembrane.

هذا الغشاء هل هو خلايا عايشة ولا خلايا ميتة و fibrin و acute inflammatory cells و
fluid exudate؟؟ خلايا ميتة و fibrin...

طب ليه هو غشاء كاذب؟ الـ mucous membrane لو قشرته يتقشر معاك لأن فيه
basement membrane، لكن ده لو قشرته؛ فيه basement membrane؟؟ باظ، في bleed؛
ينزف وبعد ما ينزف هيطلع fibrin تاني و inflammatory cells تلزق بقايا الخلايا الميتة فيتكون
تاني، عشان كده سموه غشاء كاذب.

هو ده الـ pseudomembranous inflammation..

تعالوا نقوله scientifically.

1. Definition:

- هو mild ولا severe؟ **Severe inflammation**.
- مايجيش إلا فين؟ **Mucous membranes**.
- بيتميز بتكوين **pseudomembrane**؛ غشاء كاذب.

2. Etiology: إيه اللي يعمل pseudomembranous inflammation؟

Bacteria secreting exotoxins، علي مستواكم إنتو مفيش إلا 2 bacteria:

- **Diphtheria** بالعربي اسمها الخناق.

ليه سموها diphtheria؟ معناها جلد، لأن الـ mucous membrane is normally transparent فيبيان أحمر عشان شايف الدم من خلاله، لكن في المرض ده opaque فماتشوفش من خلاله الدم، فسموه مرض التجلُد.

• **Bacillary Dysentery**.

3. Site:

• **Mucous membranes**، أشهر حاجة بتيجي في الـ **larynx**.

4. Grossly:

الـ laryngeal mucosa مش فيه acute inflammation؟ فهيبقى عامل إزاي؟

• **Hyperemic**

• **Swollen**

• **Edematous**

• Covered with **pseudomembrane** which is yellowish grayish, if

• **peeled**، هيتكون بسرعة تاني.

وده خازوق الـ diphtheria، الـ larynx في الأطفال ضيقة فلو الـ mucosa بتاعتها تخنت هنتقل الـ larynx.

بيجي الواد على الفجرية جاي بـ stridor عشان السدة upper؛ مش عارف ياخذ نفسه.

"لو السدة lower؛ مش عارف يخرج نفسه دي اسمها rhonchi أو wheeze."

"Stridor and Rhonchi are abnormal breath sounds."

فأما أبوه وأمه يلاقوا الواد بـ stridor يجروا بيه على أقرب دكتور، فين الدكتور؟؟ لإنقاذ حياة

الواد هيعمل إيه؟ هيحط صباعه في الـ larynx ويروح مقشرله الـ pseudomembrane،

الواد هياخذ نفسه ولا مش هياخذ؟ هياخذ، لكن هيطلع دم والسموم هتخش directly للـ blood،

فبعد الحركة دي بـ 4 ساعات الواد هيموت.

عرفتوا الدكتور كان زعلان ليه؟

فلحد النهارده لو عيل جاله diphtheria 95% هيموت بنفس الطريقة..

5. تحت الـ microscope:

الـ pseudomembrane مكون من إيه؟

• **Necrotic epithelial cells**

• **Fibrin**

• **Acute inflammatory cells**

• **Bacteria and their toxins**

طب الـ subepithelium فيه إيه؟

Dilated blood vessels •

Acute inflammatory cells •

هو ده الـ Pseudomembranous inflammation ..

إيه حله؟

The best treatment of Diphtheria is prophylaxis.

كلكو اتطعمتوا ضد الثلاثي DTP، تعرفوه؟؟

1. Diphtheria؛ الخناق

2. Pertussis؛ السعال الديكي

3. Tetanus

كلكو اتطعمتوه في سن شهرين و 4 شهور و 6 شهور.

لو واحد ما اتطعمش وجاله diphtheria هيموت؛ مالوش حل، لو مفيش دكتور خالص هيموت بالاختناق، ولو فيه دكتور هيمنع الاختناق بس هيموته بردو. والـ diphtheria مرض أطفال ماينفعش يجيلكو دلوقت.

فيه أنواع تانية من الـ nonsuppurative ..

Hemorrhagic Inflammation

من اسمه كده فيه دم كتير لأن الـ organism بيعور الـ blood vessel؛ بيعمل vascular injury، أشهر example عليه الـ Small Pox؛ الجدري والـ Hemorrhagic Cystitis.

Necrotizing Inflammation

فيه excess necrotizes tissue زي حاجة اسمها **Cancrum Oris**؛ cancrum يعني gangrenous، oris يعني بؤ، لأن normally كمية الـ bacteria اللي موجودة في البؤ أكثر ولا الـ vagina ولا الـ anus؛ البؤ صفيحة زبالة، الأنصف شوية الـ vagina وأنصف حاجة فيك الـ anus.

لو واحد مايباكلش ومناعته ضعيفة ساعتها الـ bacteria بتموت كل خلايا البؤ، أنا شفت في أبو الريش عيل متاكل الـ diaphragma oris ولسانه واقع منه.. علاجه إنه مايحصلش.

Allergic Inflammation

يعني hypersensitivity؛ حساسية.

نعرف إزاي الـ allergic تحت الـ microscope؟ يتميز إن فيه eosinophils كثير، ليه؟ الـ eosinophils بتطلع histaminase اللي يقول histamine يبقى جزمة عشان الـ histamine بيطلع من الـ mast cells والـ basophils والـ platelets.

الـ allergic بيطلع فيه histamine فتيجي الـ eosinophils تطلع histaminase اللي يكسر الـ histamine.

وعشان كده الـ eosinophils are eosinophilic لأن الـ histaminase is alkaline والحاجة الـ alkaline تاخذ اللون الأحمر.

المثال عليه الـ **Urticarial** والـ **Bronchial Asthma** والـ **Allergic Rhinitis**.

كل الـ category B ← nonsuppurative ماعدا الـ category A ← pseudomembranous.
مرة جابولهم سؤال بـ 5 درجات بس رخم شوية:

Enumerate the types of nonsuppurative inflammation with one example of each:

1. Serous → Skin Blisters
 2. Fibrinous → Lobar Pneumonia
 3. Serofibrinous → Serofibrinous Pleurisy
 4. Catarrhal → Catarrhal Rhinitis
 5. Pseudomembranous → Diphtheria
- Etc...

كده خلصنا الـ acute وهندخل على الـ Chronic Inflammation.

Chronic Inflammation

ال **pathological features of chronic inflammation** هذا ال paragraph مهم جدا، اكتبوا عليه قراءة ولا يُقرأ. إزاي مهم ويقول عليه قراءة ولا يُقرأ؟! لأن المؤلف بعد ما كتب على شكل paragraph؛ طلع الكلام المهم على شكل جدول بيقارن فيه ال acute & chronic inflammation ومن حسن الطالع في حصة واحدة خدنا سؤالين comparison لازم يجوا في الامتحان: الفرق بين abscess & cellulitis والفرق بين acute & chronic inflammation، ومن غير ما أقول لو شفت جدول تكتب عليه إيه؟ Category A؛ بينزل على شكل سؤال comparison من 5 ل 7 درجات.

تعالوا نقارن بين ال acute وال chronic في النقاط الآتية:

1. **Onset & Duration**: إيه الفرق بين onset و duration؟ onset هي زمن بدء الحدث، duration هي زمن الحدث.

المثال على **acute**: **Common Cold** والمثال على **chronic**: **Tuberculosis (TB)**.

- a. ال **acute** له **sudden / rapid onset** و **short duration** أقل من 3 أسابيع.
b. ال **chronic** له **gradual onset** و **long duration**، عبال ما تظهر أعراض السل تاخذ سنة ويفضل المريض يتعايش معاه سنين لحد ما يموته.

2. Vascular Events

a. ال **acute** كانت أكثر علامة واضحة **vasodilatation** لأن بالعقل في ال acute inflammation دخلت bacteria فالجسم بيحاول يجيب دم كثير فيه inflammatory cells تحارب.

b. ال **chronic** مش بنشوف **vasodilatation**، ليه؟ لأن في ال chronic inflammation ال organism الجسم مش عارف يموته، هو حاول وعمل **vasodilatation** ومانفعش، بس لو فضل عامل **vasodilatation** ممكن يحصل إيه؟ ممكن ال organism يخش من خلال ال **dilated vessel** وينتشر. فمحاولة من الجسم إن هو يمنع الانتشار: آدي ده ال **normal wall of the blood vessel**، بيحي على نهايات ال **arteries** فيه **macrophages** قاعدة تطلع **monokines** تشتغل على ال **fibroblasts** اللي موجودة في ال **wall of blood vessel** فتعمل **proliferation of fibroblasts** فساعتها ال **wall** بتاع نهاية ال **blood vessel** يتخن وال **lumen** يقل، يسموا الحركة دي **Endarteritis Obliterans** يعني نهاية، **artery** شريان، **itis** الملتهب يعني الحته اللي فيها الالتهاب، **obliterans** اللي قفل الدم عن الحته دي-. عرفتوا إيه فلسفة الجسم إنه في ال **chronic inflammation** يعمل **Endarteritis Obliterans**؟ عشان يمنع ال **spread**.

3. Fluid Exudate

- a. الـ **acute** هيبقى فيه **abundant** fluid exudate، ليه؟ عشان فيه vasodilation وده يزود الـ permeability، فهيبقى more edematous.
- b. الـ **chronic** هيبقى فيه **scanty** fluid exudate.

4. Main Inflammatory Cells

- a. الـ **acute** أهم الخلايا اللي بتطلع الـ **neutrophils** يليها macrophages.
- طب تعرفوا acute inflammation الـ neutrophils فيه مش بت-
dominate واللي بت- dominate الـ **monocytes**؟؟ الـ **Typhoid** لأن
bacilli بتجذب الـ monocytes.
- طب تعرفوا acute inflammation الـ neutrophils فيه مش بت-
dominate واللي بت- dominate الـ **eosinophils**؟؟ الـ **allergic** عشان
تكسر الـ histamine.
- طب تعرفوا acute inflammation الـ neutrophils فيه مش بت-
dominate واللي بت- dominate الـ **lymphocytes** والـ **plasma**
cells؟؟ الـ **viral infection** لأن الـ virus بيعيش جوه الخلية وعشان تموته
لازم تموت الخلية واللي يعرف يموت الخلية الـ lymphocytes بال-
cellular-mediated immunity والـ plasma cells بال- humoral-
mediated immunity.
- b. الـ **chronic** تلاقي كل أنواع الـ inflammatory cells **ما عدا الـ neutrophils**،
في الـ chronic inflammation in general -وفيه exceptions طبعاً- ما تلاقيش
neutrophils، ليه؟ الـ life span؛ عمر الـ neutrophils أما تطلع من الدم تقعد أد
إيه؟ أسبوع، والـ chronic inflammation عشان بيبقى اسمه chronic لازم يعدي
3 أسابيع فالـ neutrophils اللي طلعت ماتت خلاص. ممكن بقى الـ neutrophils
تخش تاني بس ده **exception** في حالتين: مرض اسمه **Actinomyces** ومرض
اسمه **Madura Foot** لأنهم بيبقوا فاتحين على الجلد ف **bacteria** تخش وتحجب
neutrophils جديدة ودي بيسموها **acute on top of chronic**.

Types of Chronic Inflammation

اكتبوا على التقسيمة دي category B.

هو الـ acute inflammation كانوا بيقسموه لإيه؟ Suppurative & Non-suppurative،
وإيه الهدف من التقسيمة دي؟ "Any classification should serve a purpose"
Therapeutic. عشان تبقى عارف إن كل الـ suppurative هياخدوا antibiotic لكن الـ non-
suppurative؟ no need for antibiotic.

لكن الـ chronic التقسيمة بتاعته **Diagnostic**.

الـ chronic inflammation بيقسموه نوعين كبار: **chronic nonspecific** و **chronic specific**، يعني إيه؟ أي chronic inflammation إيه اللي هتشوفه تحت الـ microscope؟ chronic endarteritis Obliterans وأي خلية ما عدا الـ neutrophils و fibrosis لأن أي chronic inflammation بيقتد فترة طويلة بيموت خلايا والخلايا ماتت عوضش ويتحط بدالها avascular fibrous tissue.

لو كان الـ inflammation ده acute وماتعالجش هيقرب **chronic nonspecific**، يعني إيه؟

يعني واحد عنده **Chronic Tonsillitis** أو **Chronic Pyelonephritis** "التهاب الكلى وحوض الكلى"، تحت الـ microscope هشوف إيه؟ هشوف fibrosis، endarteritis obliterans، lymphocytes، plasma cells، macrophages، giant cells، scanty fluid exudate، لكن هل ممكن أعرف إيه سبب الـ chronicity هنا؟؟ لأ، ماعنديش حاجة specific للـ cause.

لأن النوع الثاني للـ chronic اسمه **chronic specific**، ده مايجيش on top of acute؛ ده من الأول chronic، يعني إيه؟

يعني بالإضافة للي أنا قلته "fibrosis و endarteritis obliterans و...." هيبقى فيه حاجة تقول لي السبب اللي خلى المرض مزمن، لو لقيت **bilharzia ova** بيبقى المرض ده **Bilharziasis**، لو لقيت حبة إراز "**silica particles**" بيبقى المرض ده **Silicosis**، وصلت النقطة؟

التقسيمه في الـ chronic: specific و nonspecific ← Diagnostic.

طبيب مين فيهم هلاقي فيه endarteritis obliterans؟ الـ specific ولا الـ nonspecific؟ الاتنين.
مين فيهم هلاقي فيه fibrosis؟ الاتنين.
مين فيهم هلاقي فيه scanty fluid exudate؟ الاتنين.
مين فيهم هلاقي فيه دليل على السبب؟ الـ specific.

أشهر نوع بقى للـ specific وده Category A اسمه **Granuloma**، أهم سؤال في الـ inflammation كله.

Granulomas

Literally كلمة granule يعني حويصلات و oma يعني benign tumor. وده أشهر سؤال بينزل في true or false:

• (false) "Granuloma is a benign tumor."، لأنها a form of inflammation.

عشان تفهموا الـ granuloma كويس بصوا معايا على الفيديو ده..

human ودي الرئة بتاعته، normally what is the structural and functional unit of the lung؟ الـ alveoli، دي معلومة خاطئة. هو الـ gaseous exchange بيحصل بس في الـ alveoli؟؟ أmaal بيحصل فين؟ في الـ **respiratory acinus** اللي هو الـ alveoli والـ alveolar duct والـ respiratory bronchiole.

لو كان الراجل ده عامل في مصنع إزاز؛ الإزاز معمول من إيه؟ الرمل، بمسكوا الرمل بتاع الشواطئ يغلوه وبعد كده يشكلوه إزاز. هيبدأ الراجل ده وهو بيتنفس في المصنع؛ أدي الهوا أهو شافينه؟؟ والهوا داخل ومعه silica particles رمل، هتيجي الـ macrophages تاخد الـ silica particles وتطلع بيها عشان تكسرها، هل هذه الـ macrophages بعد ما أكلت الـ silica particles هتتعرف تكسرها؟؟ لأ، فهتتصرف إزاي؟ تقولك طب ما أنده أصحابي. تبدأ تنده -طبعا عن طريق الـ monokines- باقي الـ macrophages عشان ييجوا وياكلوا، هيعرفوا يكسروها؟؟ تبدأ تنده باقي الـ inflammatory cells والـ net result هتكون كورة عبارة عن خلايا، مين أهم خلية موجودة في هذه الكورة؟ الـ macrophages.

أما جُم بصوا عليها زمان تحت الـ microscope ماعرفوش إن دي macrophages فلقوا خلية كبيرة واكله حاجة فسموها epithelioid cells، لأنها تشبه الـ epithelial cell، وتخلوا إن الخلية اللي هم مش عارفينها دي تكاثرت واتجننت وعملت ورم أو ورم خلية أكلته وعملت كورة، فراحوا مسميئنها **Granuloma**. ده ثاني مرض ناخده في الحصة متسمي غلط misnomer، أول مرض كان **Cellulitis**.

قبل ما أقول الـ Granuloma إيه هي لازم أقول **granuloma is not a benign tumor**.

Granuloma is a specific form of chronic inflammation characterized by accumulation of large number of macrophages.

دي أهم خلية ويليها كل الـ chronic inflammatory cells: lymphocytes، plasma cells، giant cells. فهتعمل لنا **tumor-like mass**.

الـ macrophages اللي جوا الـ granuloma دي activated يعني إيه؟ واكله. عشان كده هي كبيرة ولا صغيرة؟ كبيرة.

زمان ماكانش فيه حد بيشرحهم ويجيبيلهم فيديو ويقولهم دي حاجة أكلتها فكبرت وإن دي macrophages فراحوا مسميئنها **epithelioid cells**، هل الـ epithelioid cell هي modified epithelial cell؟؟ لأ دي activated macrophage.

هذه الـ granuloma كورة حوالين حاجة مش راضية تتاكل فالحاجة اللي مش راضية تتاكل ممكن تموت بعض الخلايا فيبقى فيها necrosis أو مافيهاش.

طب إزاي جت هذه الـ macrophages أو الـ inflammatory cells؟ عن طريق **Type IV Hypersensitivity**، يعني إيه؟

الأول جه الـ antigen والـ macrophages أكلت منه حته وبدأت تعرضه للـ antigen presenting cells وبدأت تجيب more macrophages، هذا الـ mechanism اللي أنا بقوله ومش مشروح عندكم اسمه Type IV Hypersensitivity.

ده كله definition..

الـ Granuloma is a specific form of chronic inflammation، مين أهم خلية في الـ Activated Macrophages؟ اللي بنسميها؟ Epithelioid cells، اللي هم مين؟ Activated macrophages.

النقطة الثانية بنقسم الـ granuloma لـ 3 أنواع على حسب هي متجمعة حوالين إيه..

:Types of Granulomas

1. **Infectious Granulomas**: أشهر أنواع الـ granuloma

- الـ granuloma متجمعة حولين حاجة معدية.
- كل الـ infectious granulomas تلاقي في وسط الكلبيعة خلايا ميتة؛ تلاقيها **necrotizing**، لأن المادة المعدية بتموت خلايا الجسم.
- المواد المعدية ممكن تبقى **bacteria**، أشهر example للـ infectious granulomas الـ **Bacterial Tuberculosis**، اسمه بالعربي السل، ليه سمومه السل؟ أول بكتيريا عصوية تشبه سل/شوك النخل. وسمومه الدرن، ليه؟ عشان هو **granuloma**، هم تخيلوا الرئة عبارة عن بطاطساية، فلو دخلت فيها عصويات السل تبدأ تحاوطها الـ **inflammatory cells** فتعمل كلكوعة طالعة من الـ lung، واللي طالع من البطاطس بنسميه درن.
- Bacterial زي كمان الـ **Brucellosis** الحمى المالطية نسبة لجزيرة مالطا ومش هناخده.

وزي الـ **Syphilis** الزُّهري وده sexually transmitted disease ليه سمومه كده؟ يحكى في قديم الزمان إن كان فيه راعي خنازير قليل الأدب وسافل ومنحط واسمه **Syphilis** كان بيمارس الفحشاء في الشارع، ففي أحد الأيام وهو بيمارس الفحشاء في الشارع مر عليه قسيس، فقال له عيب عليك يا أخي يعني إذا بُليتُم فاستتروا مش لازم في الشارع؛ في أي خرابة، فقل أدبه على القسيس وكان يوم مش معدي، فرجع القسيس زعلان جدا ونظم قصيدة -الكلام ده كان في أسبانيا- وكتب على جدار أحد الكنائس قصيدة يدعو فيها الرب أن ينزل عقابه بـ **Syphilis**، فـ **Syphilis** جاله **Syphilis**. الأمراض بتتسمى في الطب باسم الدكتور يا إما اسم العيان يا إما اسم البلد أو الحكمة أو اسم ابن الدكتور أو كلب الدكتور أو رقم شقة الدكتور زي الألمان كانوا بيسموا

بأرقام الأَوْض في الـ *hostel* اللي كانوا بيَقعدوا فيه، وعشان كده الطب كان محتاج *world-wide nomenclature*؛ إعادة تسميات ولم ننجح فيها.

الـ *Actinomyces israelii* ده بردو *bacterial infection*، معمول بـ *bacteria* اسمها.

- ممكن تتجمع حوالين *parasite* وعندما تُذكر الـ *parasite* تُذكر مصر، الطفيليات، وانا قلتها لكم قبل كده يحكى في قديم الزمان إن أشهر رحالة عربي كان اسمه ابن بطوطة وكتب كتاب اسمه كتاب البلدان، الكتاب ده لما كان يروح يسافر في حته يوصف في بداية الكلام أشهر حاجة في البلد دي إيه، فلما نزل مصر ما قالش لقد نزلت بأرض فيها أبو الهول والأهرامات والثورات والكلام ده خالص، قال "لقد نزلت بأرض يحيض رجالها ولا تحيض نساؤها"، يعني إيه يحيض؟ *menstruate*. لأن أشهر مرض كان موجود الـ *Bilharziasis*، هي مصر فيها الاتنين؛ بس ابن بطوطة كان نزل في الصعيد. *Schistosoma Haematobium* بتعمل *hematuria*، عارفين يعني إيه؟ أما الولاد بيحجوا يتبولوا ينزلوا دم مع البول فاعتبره حيض. ولا تحيض نساؤها ليه؟ لأن الستات المصريات أكثر ستات العالم ولادة، الست وهي حامل وأما ترضع مايجيلهاش دورة، فقبل ما تطفم تحمل تاني فتقضي حياتها من غير دورة. إحنا الدولة الوحيدة اللي قضينا على الـ *bilharzia* بالعفانة. كان محمد رضا رحمة الله عليه قعد أكثر من 20 سنة يقول إدي ظهرك للترعة كناية عن إنك ماتعملش بيبي في الترعة لأنك لو عملت بيبي في الترعة هتبتدي الـ *cycle*، بعد ما مات بقوا يعملوا بيبي أكثر في الترعة؛ بقوا يعملوا تصريف المجاري على النيل والترعة، لدرجة إن الـ *intermediate host* اللي هو الـ *snail* قرفت تعيش فماتت واتكسرت الـ *cycle*.
- ممكن كمان تتجمع الـ *inflammatory cells* حوالين *fungus* زي حاجة اسمها *Histoplasmosis* و *Cryptococcosis* و *Coccidiomycosis*، كل الـ *fungus* infections هتاخدوها في chapter وهطنشها لكم لأن كل دي مش *common in Egypt* لأن معظم الـ *fungus infections* ليها علاقة بالـ *bats*، والخفافيش مشهورة في أمريكا الشمالية لكن في مصر ماعندناش.
- ملخص الموضوع كل الـ *infectious granulomas* .. تعرفوا إزاي تحت الـ *microscope* إنها *infectious*؟؟ هلاقي فيها *necrosis*.

2. Foreign Body Granulomas

- ممكن الـ *inflammatory cells* تتجمع حوالين حاجة مش معدية، دي بنسميها *foreign body granuloma*، طب تعرف منين إن هي *foreign body*؟ مش *infectious* مفيش *necrosis*.
- أشهرها الفيديو اللي وريتهولكم *Silicosis*؛ الناس اللي بيشموا *silica*.
- زي بردو لو واحد دخل في إيده أو في رجله شوكة أو حطة إزاز، هل الـ *macrophages* هتتعرف تتصرف؟ هتحوط حواليتها وتعمل *granuloma*.

- زمان example- مش مكتوب عندكم- الجراحين كان بيبقى عندهم جوائتي واحد بس معمول من الجلد الطبيعي، يعمل 50 عملية ويشيل الجوائتي بتاعه ويحطه في بطن عيان واللي بعده مش مشكلة؛ ما هو كان لسه ما اكتشفوش ال bacteria، وآخر اليوم يقلع الجوائتي بتاعه فين الحكمة.. تروح واخداهوله فمين وغاسلاهوله وحطاله فيه talc powder بودرة تلك، ليه؟ عشان العرق مايملش إيديه. فكانت الحكمة تتوصى بالجراح وتزودله talc powder أكثر، فـ وهو بيشتغل كان يقع ال powder وده foreign body فيعمل granuloma، أي granuloma فيها fibrosis، فالعيان بعد كده يموت. فكان الجراحين زمان قبل ما يخشوا على بطن العيان ينفضوا الجوائتي ولاحظوا إن التسقيفة دي بتقلل ال rate بتاع ال granuloma.

3. Granulomas of Unsettled Etiology

- آخر نوع من أنواع ال granulomas، فيه inflammatory cells متجمعة حوالين حاجة بس الخازوق إحنا مش عارفين إيه الحاجة دي، وفي الطب كله مافيش إلا 2 :granulomas of unsettled etiology

(a) مرض اسمه **Sarcoidosis** التَّلْحُم مشهور في الناس من أصول إفريقية ال black أكثر من ال white، إيه سببه؟ we don't know. ال inflammatory cells دي متجمعة حوالين إيه؟ we don't know.

(b) المرض الثاني ده مشهور في 4 دول في العالم: إنجلترا، اسكتلندا، فرنسا، المنصورة، مايتشخصش إلا في واحد أصوله من ال 4 حئت دي، وإنتم طبعا عارفين العامل المشترك بين المنصورة وال 4 دول دي. المرض اسمه **Crohn's Disease** وده هنشرحه in detail في النص الثاني.

يبقى ال granulomas كام نوع يا شاطرين؟ 3 أنواع؛ infectious أو foreign body أو unsettled etiology.

ال granuloma دي category A مافيهاش تفاهم.

أهم سؤال في ال inflammation كله.

ال granuloma is a benign tumor؟؟ مش tumor خالص، أمال ليه فكروا إنها tumor زمان؟؟ لأنها بتعمل tumor-like mass؛ خلايا بتتجمع ففكروا إنها تكاثرت.

بصوا معايا للصورة دي، دي granuloma؛ دي chronic inflammatory cells و macrophages بيتجمعوا حوالين إيه؟ إنتو شايفينها متجمعة حوالين إيه؟ ولا شايف حاجة طبعا رغم إن إنت مذاكر أهو، ودي النقطة اللي عاوز أوصلها لكم؛ بلاش الشطحات في الأول .. لسه .. إدي لنفسك فرصة شوية. هل لما تخلص منهج ال pathology هتبقى pathologist؟؟ فاهمين حاجة؟؟ كل شغلة

الـ pathologist إيه؟ يحس ويحس ويبص؛ يعني بيستخدم إيدو عشان يعرف الـ consistency ويحس عشان يعرف الـ roughness ويبص، فشغلانة حلوة خالص.

هل إحنا بقى في الـ pathology بنعتمد على الـ general pathology ده في تشخيص الحالة؟ اه طبعا بس in details، فاهمين حاجة؟ مش مهم. v:

دي متجمعة حوالين إيه؟ مش عارفين.. أنا بالنسبة لي واضحة جدا دي الـ silica particles ودي عبارة عن إزاز، فإنت شايف حتة فراغ والفراغ ده إزاز.

طب إيه اسم الكلكوعة دي؟ دي giant cell؛ الـ macrophages أما تلحم مع بعض تعمل خلية كبيرة مليانة multiple nuclei عشان تعرف تاكل الـ particle الكبيرة.

والحمر الكبار دول epithelioid cells والصغيرين اللي بره دول lymphocytes.

فيه في آخر الـ chapter عندكم حاجة اسمها..

:Types and Functions of Inflammatory Cells

اكتبوا عليها category B، زمان ده كان سؤال مهم أوي؛ عارفين ليه؟ لأنه ماكانش مكتوب في الكتاب لأن كل اللي هقولو ده تجميعه وقتله قبل كده، لكن المؤلف راح كاتبه ثاني فمابقاش ييجي.

فيه كام نوع من الـ inflammatory cells؟

فيه ناس بتقسمها على حسب الـ inflammation يبقى فيه عندنا acute inflammatory cells و chronic inflammatory cells.

1. Acute Inflammatory Cells

(a) **Neutrophils**: الأشهر اللي اسمها Polymorphonuclear Leukocytes واللي

اسمها برودو Microphages واللي أما تموت يبقى اسمها Pus Cells.

(b) **Macrophages**: ثاني أشهر خلية وهي حاجة من اتنين؛ immigrating

monocytes بتاعة الدم أما تطلع بره يبقى اسمها macrophage، أو activated

tissue histiocytes.

(c) هل كل الـ acute inflammatory cells هم فقط neutrophils ثم

macrophages؟؟ ما فيه variations:

• أنا أعرف acute inflammation بيبقى **monocytes**: mainly **Typhoid**.

• طب **eosinophils**: mainly **allergic inflammation**.

• طب **lymphocytes & plasma cells**: mainly **viral infections**.

2. Chronic Inflammatory cells: كله ماعدا الـ neutrophils.

فيبقى فيه **Lymphocytes** و **Plasma cells** و **Macrophages** و **Giant cells**.

فيه تقسيمة ثانية للـ inflammatory cells على حسب الـ function لأن أهم function للـ inflammatory cells الـ phagocytic cells.

1. Phagocytic Cells

- (a) **Neutrophils**: مين بيجتذبها؟ الـ cocci.
- (b) **Macrophages**: وظيفتها Phagocytosis للـ Living bacteria ولا الـ dead؟؟
الـ dead، وللـ bacilli، وبتطلع growth factors و chemical mediators ولو
لحمت مع بعضها تعمل حاجة اسمها giant cells.
- (c) **Giant Cells**: ودي عبارة عن macrophages لحمت مع بعض أو
macrophages انقسمت without division of cytoplasm، إيه وظيفتها؟ لو أنا
عندي particle كبير مش عارف أكله أعمل إيه؟ أتحد مع صحابي وحبايبي وأعمل
خلية كبيرة تقدر تاكله، أشهرها الـ foreign body giant cells وزى الـ Langerhans
giant cells في حالات الـ TB وبتبقى على شكل حدوة الحصان.

2. Immunological Cells

- (a) **T Lymphocytes**: ليه "T"؟ Thymus dependent، مين بيعمل لها
activation؟ الـ "apc" cell، antigen presenting cell، ومسئولة عن الـ cell-mediated immunity.
- (b) **B Lymphocytes**: ليه "B"؟ في البني آدميين لأنها bone marrow لكن في الطيور
bursa of fabricius. لما يحصلها activation تتحول لـ plasma cell ودي
مسئولة عن الـ humoral-mediated immunity بتطلع antibodies.

الـ chapter خلص لكن أنا لسه ماخلصتش...

فيه case: يُحكى في قديم الزمان إن عيل عنده 17 سنة وقع في الأرض وقال آه يا بطني فعلوله
exploration فتحوا بطنه فلقوا الـ appendix بتاعته hyperemic و swollen و edematous و
covered with yellowish exudate، فخدوا منها section وبصوا عليها تحت الـ microscope.

1. أول سؤال: What are the types of inflammatory cells under the microscope؟

- هو ماطلبش منك تشخيص، بس إنت عارف إن التشخيص Acute Diffuse Suppurative Appendicitis، الـ acute inflammation مين هم الـ inflammatory cells؟ neutrophils & macrophages.

2. السؤال الثاني: What are the chemical mediators responsible for recruitment of these cells؟

recruitment إيه اللي عمل chemotaxis.

- اللي بيعمل chemotaxis للـ neutrophils مين؟ Cocci.
- واللي بيعمل chemotaxis للـ macrophages مين؟ Bacilli.

3. السؤال اللي بعده: What is the nature of the yellowish material ؟ Nature يعني اسمه إيه؟

• Pus، بكلمة pus دي تاخدوا درجة.

4. والسؤال اللي بعده enumerate its components.

• Fluid exudate without fibrinogen

• Cells: neutrophils, macrophages and pus cells

• Necrotic tissue (sloughs)

• Bacteria and their toxins

كل ما تاخدوا معلومات هنجيب لكم عليها case وننزلها في الامتحان..

FLASHTEAM